



Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.40. Miracula S. Stephani Auxentiani.

[urn:nbn:de:hbz:466:1-66091](#)

Sæcul. VIII. anno, nempe in Quadragesima, & mense
A. C. 763. Octobri confiteantur. In qualibet Matricula sit Primicerius, qui eorum mores observet. Ad Concionem venientes Presbytero Custodi necessitates suas spirituales & corporales aperiant. Refractorii de Matricula deleantur, & alii eorum loco adscribantur. Illis diebus, quibus ad audiendam Doctrinam venerint, distribuatur eis panis, vinum, lardum vel caseus, & pecunia ad emenda ligna.

Huic S. Chrodegangi Regulæ ideo diutius immoratus sum, quod exinde ab omnibus Canonicis, sicut Regula S. Benedicti a Monachis, recepta fuerit. Ceterum S. Chrodegangus obiit anno 766. & in Abbatia Gorziensi, quem locum se pulchri sibi ante elegerat, tumulatus fuit.

§. XL.

Miracula S. Stephani Auxentiani.

Interim S. Stephanus in Insula Procone-

so, loco exilii sui plurimis clarebat miraculis. Cæcus quidam eum adiens, supplices voces mittebat. Ipse autem, humiliter ac modeste de se sentiens, detrectavit; quæsivit tamen: *an fidem in*

Sup. addit. Deum babes? an imaginis JESU Christi,
tib. XXIV. Matris ipsius, & Sanctorum cultor es?
§. 25. an credis in Deum, qui etiam per imagines sanat, quod contigit in conversione

Sanctæ

Sanctæ Mariæ Ægyptiacæ? Respondit Sæcul. VIII.
cœcus: *Credo & adoro.* Mox subjecit A. C. 764.

S. Stephanus: *in Nomine Domini JEsu Christi, cæci illius Salvatorem, in quem tu credis, & in Imagine sua adoras, libere solem aspice!* illico aperti sunt oculi illius, & abiit laudans Deum gaudio immenso repletus. Fæmina, quæ Cyzici degebat, filium a malo Dæmone vexatum, ferme novennem, ad S. Virum adduxit. Ipse in loculo suo pro puerō orans, jussit eum adorare JEsu Christi Imaginem, & sanum ad suos remisit. Fæmina nobili genere orta Heracleæ in Thracia ab annis septem fluxu sanguinis laborans ad S. Stephanum confugit. Is formans super eam signum Crucis, Imaginem JEsu Christi adorare jussit, & ipsa elapo triduo ab omni infirmitate libertam se sensit. Multa alia edidit miracula, illis præ aliis auxilium ferens, qui in mari periclitabantur. Nam quando mare tempestatibus agitari & fluctus surge-re conspiciebat, fratres suos jubebat in orationem se dare, & procella quiescen-te vectores ad eum veniebant dicentes, quod ipsum vidissent in sua navicula Re-ctoris munere fungentem.

Anno exilii sui secundo nempe Christi septingentesimo sexagesimo quarto S. Stephanus orbatus est Matre sua, & sorore, quæ septimo post die, ut ipsa præ-dixe-

p. 490.

p. 491.

p. 492.

p. 493.

Sæcul. VIII. dixerat, ad cœlestia secuta est. Sub idem
A. C. 764.

tempus quidam miles, nomine Stephanus in cohorte Armenorum in Thracia stipendia merens, cum media sui corporis parte captus esset, Proconesum ad Virum Sanctum venit, qui jubens eum adorare imaginem IEsu Christi & S. Virginis, in pedes toto corpore erectum sanumque dimisit. Committones ejus redeuntem interrogare; qua ratione convaluisset, cumque ille respondisset, quod has imagines adorasset; quasi furore perciti exclamare; *væ tibi! in Idolatriam proruisti.* Mox rem istam deferunt ad Præfectum, qui eum ad Imperatorem celeriter dimisit. Imperatore quærente, an in Idolatria perseveraret, miles in genua provolutus, protinus Imaginum Cultoribus anathema dixit, professus se fuisse deceptum; eumque Imperator Centurionis munere auxit. Ecce autem, eundem militem domum suam repetentem equus confernatus effudit in terram, & pedibus contrivit. Ipse haud multo post animam efflavit. Hac re ad Imperatorem perlata protinus S. Stephanum revocari jubet dicens, quod etiam in exilio populos Idolatria pervertere non cessaret.

p. 494.

p. 495.

§. XII.